https://www.ssrg-sds-fds.ch/online/tei/ZH/SSRQ_ZH_NF_I_2_1_251.xml

251. Belehnung der Stadt Winterthur mit dem Heiligberg durch den Bürgermeister von Zürich

1529 Oktober 18

Regest: Heinrich Walder, Bürgermeister von Zürich, belehnt den Schultheissen, den Rat und die Bürger von Winterthur namens der Stadt mit dem Heiligberg samt Zubehör und den Holzrechten. Diese Güter waren vormals in Besitz der dortigen Chorherren und sind nun Lehen der Grafschaft Kyburg. Als Lehensträger fungiert der Winterthurer Schultheiss Hans Huser, der auch den üblichen Lehenseid geschworen hat. Stirbt er oder kann diese Funktion nicht mehr ausüben, sollen die Winterthurer innerhalb eines Monats einen Nachfolger stellen. Der Aussteller siegelt.

Kommentar: Zu den Konditionen des Erwerbs des Heiligbergs durch Winterthur als Lehen der Stadt Zürich vgl. SSRQ ZH NF I/2/1, Nr. 249.

Ich, Heinrich Walder, diser zit burgermeyster der statt Zürich,¹ thun kunt offennlich mit disem brieff, das ich als burgermeyster unnd innammen bemelter statt Zürich den ersammen, wysen schultheis, rått unnd burgern gmeynlich zu Winterthur als zu einner statt Winterthur handenn zu einem rechten lechen gelichen hab den berg genant der Heylig Berg, by Winterthur gelegenn, sambt den hüssern, gerten unnd matten, ouch dem holtzrechtenn, wie dann söllichs die pfrundherren daselbs ingehebt unnd besessenn unnd jetz von der statt Zürich als ir graffschafft Kyburg wegen lechen ist. Lich innen ouch söllichs mit aller ir zu gehördt unnd begryffung, was ich innen von gmeyner statt wägen daran ze lichen hab, lichen sol, kan unnd mag, inn chrafft dis brieffs also, das sy innammen gmeyner statt Winterthur den genanten berg mit aller siner zu gehörd von gmeyner statt Zürich inn lechens wyß inhabenn, nutzen, niessen, besetzen unnd entsetzen söllen und mögen, als lechen unnd landsrecht ist.

Die benambten von Winterthur haben ouch uber söllich lechenn zu rechtem lechen trager gebenn den ersammen, wysen Hansen Huser, schultheis daselbs, der ouch by sinen guten trüwen gelobt unnd einen eyd zu gott geschworen hatt, eynem burgermeyster unnd ratt, ouch gmeyner statt und lands Zürich von dem vorgenanten lechen zu diennen, zewarten und zethund, allßdann ein jetlicher lechen trager sinem leechenherren vom lechen billich von recht unnd gwonheit dienen, thun unnd warten soll, unnd sonderlich, ob er lechen wüßte oder vernämme, die von der statt Zürich lechen unnd nit enpfanngen weren, die mir oder dem, so ye zu zitenn burgermeyster Zurich ist, an zu zoigenn, ungfarlich. Unnd wann der vorgenant trager abgadt ald sunst zu trager unütz wurde, so söllenn die benambten von Winterthur unnd ir nachkommen hinfüro allweg, so offt sich das fügte, einen anderen trager an des abganngnen ald unützen statt uber das vorgenant lechenn inn monets frist, dem nechsten, on alle widerred gebenn. Der selb trager sol dann ouch das vorgesagt lechenn je zu zitenn von einem burgermeyster der statt Zurich empfachenn unnd darumb loben unnd

schweren, alles das zethund, so der abganngen ald unütz trager inn diser sach gelobt unnd geschworen hatt, one all gferd.

Unnd des zu warem urkündt hab ich, Heinrich Walder, burgermeyster obgenant, myn eigen innsigel offennlich lassen henkenn an disenn brieff, doch gmeyner statt Zürich unnd ir graffschafft Kyburg an allen irenn oberkeitenn, herligkeiten, frigheiten, recht unnd gerechtigkeiten, zins unnd zenden, ouch mir unnd mynen erbenn inn allweg unvergriffennlich unnd gantz unschedlichenn, der gebenn ist mentags nach sant Gallen tag, nach der geburt Christi gezallt funfftzehenhundert zwentzig und nün jar.²

[Vermerk auf der Rückseite von Hand des 16. Jh.:] Lechen brieff Heligberg [Vermerk auf der Rückseite von Hand des 18. Jh.:] Anno 1529

Original: STAW URK 2207; Pergament, 20.5 × 37.5 cm (Plica: 5.0 cm); 1 Siegel: Bürgermeister Heinrich Walder, Wachs, rund, angehängt an Pergamentstreifen, abgeschliffen.

Entwurf: (1528 Dezember 1 – 1529 Juni 1) (Undatiert, Datierung aufgrund der Amtszeit des Zürcher Bürgermeisters Diethelm Röist) StAZH A 156.1, Nr. 12; Doppelblatt; Papier, 22.0 × 32.5 cm.

Entwurf: (1528 Dezember 1 – 1529 Juni 1) (Undatiert, Datierung aufgrund der Amtszeit des Zürcher Bürgermeisters Diethelm Röist) STAW URK 2183.5; Doppelblatt; Papier, 22.0 × 33.0 cm.

Abschrift: (1629) winbib Ms. Fol. 49, S. 548-549; Papier, 21.0 × 32.5 cm.

Abschrift: (Mitte 18. Jh.) winbib Ms. Fol. 27, S. 114-115; Papier, 24.0 × 35.5 cm.

Zwei Entwürfe der Belehnungsurkunde aus dem ersten Halbjahr 1529 nennen noch Diethelm Röist als Bürgermeister von Zürich (StAZH A 156.1, Nr. 12; STAW URK 2183.5).

² Vgl. den Lehensrevers der Stadt Winterthur gleichen Datums (SSRQ ZH NF I/2/1, Nr. 252).